


BUSINESS Info Newsletter

APRIL 2020 // BROJ 85

U ovom broju, između ostalog, čitajte:

- **UPFBiH: Prijedlog zakona sa mjerama koje predlaže Vlada predstavlja napredak, ali su još uvijek nedovoljne**
- **Udruženje uputilo Parlamentu FBiH primjedbe na Prijedlog zakona o ublaživanju negativnih ekonomskih posljedica**
- **UPFBiH: Predstavnici sindikata prekinuli socijalni dijalog**
- **Na inicijativu UPFBiH izmijenjena Naredba koja tretira međunarodni i domaći prevoz i u Hrvatskoj ukinuta policijska pratnja za kamione koji dolaze iz BiH**
- **Rezultati istraživanja o stanju u kompanijama uslijed pandmije Covida-19**
- **Grupacija poslodavaca USK pri UPFBiH uputila Gradskom vijeću i gradonačelniku set mjera za stabilizaciju privrede**
- **Predstavnici UPKS imenovani u Koordinacijsko tijelo za predlaganje mjera za zaštitu i oporavak privrede i poboljšanje položaja uposlenika i privrednika pogodjenih krizom izazvanom pandemijom koronavirusa**





UPFBiH: Prijedlog zakona sa mjerama koje predlaže Vlada FBiH predstavlja napredak u odnosu na ranije, ali su još uvijek nedovoljne za očuvanje radnih mjesta i privrede

U Udruženju poslodavaca Federacije Bosne i Hercegovine smatraju da mjere za podršku privredi sadržane u Prijedlogu zakona o ublažavanju negativnih ekonomskih posljedica, predstavljaju izvjestan napredak u odnosu na ranije donešene mjere, ali su još uvijek nedovoljne.

U UPFBiH ove mjeru smatraju nedovoljnim pogotovo kada se porede sa najavljenim mjerama Vlade Republike Srpske i donešenim mjerama u zemljama regiona.

Iz UPFBiH pozdravljaju odluku Vlade Kantona Sarajevo da uplati minimalne plaće za mart svim radnicima u firmama kojima je odlukama kriznih štabova zabranjen rad.

Također, pozivaju vlade drugih kantona i općina, da u skladu sa svojim nadležnostima i mogućnostima kroz aktivne ekonomске mjeru, pomognu u očuvanju radnih mjesta i privrede.

U UPFBiH i dalje insistiraju na hitnom usvajanju mjera koje je Udruženje predložilo 29. marta ove godine.

Ove hitne mjeru, pored ostalog, uključuju hitno potpisivanje Privremenog socijalnog sporazuma sa Vladom FBiH i Sindikatom. Ovim sporazumom će se tokom njegovog trajanja zabraniti otpuštanje radnika, uvesti institut čekanja, regulirati pitanje godišnjih odmora uposlenika, regulirati rad od kuće uposlenika, smanjiti plaće onima za čijim radom privremeno ne postoji potreba, ali ne manje od minimalne plaće te smanjiti

plaće u javnom sektoru 20 posto, kao i regulirati obaveza poslodavca da isplati plaće u dogovorenom iznosu i precizno definirati refundiranje dijela plaće od strane države i slično. Ukoliko Sindikat ne pristane na potpisivanje Privremenog socijalnog sporazuma, u tom slučaju treba donijeti lex specialis kojim se trebaju regulirati ova pitanja.

UPFBiH uputilo Parlamentu FBiH primjedbe na Prijedlog zakona o ublaživanju negativnih ekonomskih posljedica

Udruženje poslodavaca FBiH uputilo je zastupnicima i delegatima Parlamenta FBiH primjedbe na Prijedlog zakona o ublaživanju negativnih ekonomskih posljedica. Primjedbe su dostavljene i premijeru i zamjenici premijera Vlade FBiH kao i Koordinacionom odboru za stabilizaciju privrede i saniranje posljedica pandemije koronavirusa.



Udruženje poslodavaca u FBiH, nakon provedene ankete te na osnovu do sada obrađenih podataka od 400 ispitanika, kao i na osnovu konkretnih prijedloga dostavljenih od članica Udruženja, definisalo je prijedlog primjedbi koje je Upravni odbor jednoglasno usvojio.

Navedena rješenja Udruženja poslodavaca FBiH su minimalni set zahtjeva koji se moraju prihvati kako bi se spriječile negativne ekonomске posljedice uslijed pandemije Covid-19, te će usvajanje primjedbi uvelike poboljšati pomenuti zakon.

Primjedbe Udruženja možete pročitati [OVDJE](#).



UPFBiH: Poslodavci pozivaju banke da omoguće odgodu plaćanja rata kredita svim fizičkim i pravnim licima koja to zatraže

Iz Udruženja poslodavaca Federacije Bosne i Hercegovine upozoravaju bankarski sektor u Bosni i Hercegovini da u uvjetima krize izazvane pandemijom koronavirusa ne mogu i ne smiju u prvi plan stavljati vlastiti profit zanemarujući interes klijenata.

Poslodavci postavljaju pitanje da li se bankama u BiH može vjerovati, kada umjesto da omoguće moratorij na plaćanje rata kredita svim fizičkim i pravnim licima koja to od banaka zatraže, oni za sebe zadržavaju pravo da odluče kome će odobriti da ne plaća ratu kredita u uvjetima krize.

Moratorij na plaćanje rata kredita mora se odnositi na SVE koji podnesu zahtjev da ne plaćaju rate kredita u periodu dok traje kriza i dok se ne uspostavi barem minimum normalnog poslovanja.

U uvjetima krize, svi moraju preuzeti svoj dio tereta kako bi se kriza što bezbolnije prevazišla pa i banke. Do sada banke nisu pokazale da ih zanima očuvanje radnih mjesta i privrede iako su privredni subjekti njihovi najznačajniji klijenti. Dosadašnjim postupanjem u prvi plan su samo i isključivo stavljale vlastiti interes i brigu za vlastiti profit.

To najbolje pokazuje aktuelna odluka Uprave Raiffeisen bank dd Bosna i Hercegovina da u jeku krize izazvane pandemijom koronavirusa, cijenu naknada za vođenje transakcijskog računa poveća za 100 posto od marta ove godine. Klijenti o ovome nisu bili ranije obaviješteni.

U UPFBiH ističu da su svjesni da će se iz Raiffeisen bank BiH pozivati da se radi o ranije donesenoj odluci, ali podsjećaju da su zbog krize izazvane pandemijom coronavirusemnogo važnije i bitnije odluke vezane za kompanije i državu u cjelini odgođene za neki kasniji period.

Prema tome i u Raiffeisen bank BiH su mogli i morali donijeti odluku o odgađanju povećanja cijena naknada za vođenje transakcijskih računa.

Održana sjednica Ekonomsko-socijalnog vijeća FBiH



Na hitnoj sjednici Ekonomsko-socijalnog vijeća za područje Federacije BiH održanoj 27. aprila 2020. godine, socijalni partneri su raspravljali o Nacrtu zakona o izmjenama i dopunama Zakona o radu.

Na sjednici su doneseni zaključci da su predstavnici delegacije poslodavaca i sindikata u Ekonomsko-socijalnom vijeću za teritoriju FBiH u načelu usaglasili primjedbe koje su imali na tekst Nacrtu zakona o izmjenama i dopunama Zakona o radu i dostaviće ih Federalnom ministarstvu rada i socijalne politike, te da su se socijalni partneri usaglasili da će po prestanku stanja prirodne nesreće započeti pregovore oko Općeg kolektivnog ugovora za teritoriju Federacije BiH.

UPFBiH: Predstavnici sindikata prekinuli socijalni dijalog



bile na snazi dok traje period prirodne nesreće izazavane pandemijom koronavirusa u FBiH.

„Iako smo u jučer (27. aprila) sa predstavnicima sindikata koji učestvuju u radu Ekonomsko-socijalnog vijeća za teritoriju Federacije Bosne i Hercegovine usaglasili gotovo 90 posto teksta izmjena i dopuna Zakona o radu FBiH, nažalost, danas su predstavnici sindikata prekinuli socijalni dijalog o izmjenama i dopunama ovoga zakona. Tokom razgovora u ponedjeljak, iz UPFBiH smo se, između ostalog, složili da ponovo pokrenemo pregovore o općem kolektivnom ugovoru sa predstavnicima sindikata, a postignut je i visok stepen saglasnosti o drugim pitanjima koja se tiču pojedinih izmjena i dopuna Zakona o radu FBiH. Međutim, napuštanjem socijalnog dijaloga od strane predstavnika sindikata o izmjenama i dopunama Zakona o radu, napustili su i socijalni dijalog o općem kolektivnom ugovoru”, ističu iz Udruženja poslodavaca FBiH.

Udruženje poslodavaca FBiH će, nakon što su predstavnici sindikata prekinuli socijalni

Iz Udruženja poslodavaca Federacije Bosne i Hercegovine sa žaljenjem konstatuju da su predstavnici sindikata u Federaciji BiH danas prekinuli socijalni dijalog o izmjenama i dopunama Zakona o radu FBiH. Radi se o izmjenama i dopunama Zakona o radu FBiH koji bi

dijalog o izmjenama i dopunama Zakona o radu FBiH, dostaviti svoje prijedloge Vladi FBiH sa zahtjevom da budu uvršteni u konačni tekst Prijedloga izmjena i dopuna Zakona o radu FBiH. Prijedlozi UPFBiH prema Vladi FBiH imaju prevashodni cilj u najvećoj mogućoj mjeri smanjiti broj otpuštenih radnika.

„Ovakav stav predstavnika sindikata nas i ne čudi, jer se mahom radi o predstavnicima sindikata zaposlenih u javnom sektoru. Oni su vjerovatno bili ohrabreni izjavama premijera Fadila Novalića na sjednici ESV za teritoriju FBiH koji je rekao da niko u javnom sektoru nije i neće ostati bez posla, niti će uposlenicima u javnom sektoru biti smanjene plaće bez pristanka sindikata. Pri tome su u potpunosti zanemarili drugi dio izjave premijera Novalića koji je rekao da teret krize mora biti ravnomjerno raspoređen. Ako Vlada FBiH ne usvoji izmjene i dopune Zakona o radu FBiH to znači da će teret krize izazvane pandemijom koronavirusa u Federaciji BiH biti prebačen isključivo na privatni sektor i zaposlene u privatnom sektoru", naglašavaju u UPFBiH.

Amandmani UPFBiH na izmjene i dopune Zakona o radu

Udruženje poslodavaca FBiH pripremilo je amandmane na tekst Nacrta zakona o izmjenama i dopunama Zakona o radu koje možete pročitati u nastavku.

[Amandmani UPFBiH na izmjene i dopune Zakona o radu](#)



[Tekst Nacrta zakona o izmjenama i dopunama Zakona o radu](#)

Na inicijativu UPFBiH izmijenjena Naredba koja tretira međunarodni i domaći prevoz

Na inicijativu Udruženja poslodavaca Federacije Bosne i Hercegovine izmijenjena je Naredba kojom se izjednačava domaći i međunarodni transport na način da će vozači, kojima je naložena izolacija, narednu vožnju moći obavljati na teritoriji Bosne i Hercegovine uz poštovanje svih zahtjeva samoizolacije koje važe i za međunarodni transport.



Udruženje je tražilo izmjenu Naredbe, jer, prema informacijama koje je Udruženje dobilo od članica, vozačima kojima je određena mjera izolacije, prema stavu gradskih, kantonalnih i federalnih kriznih štabova kao i tumačenjima pojedinih sanitarnih inspektora, za vrijeme izolacije naredna vožnja dozvoljena je samo za prijevoz roba u međunarodnom transportu, odnosno zabranjen im je prijevoz roba unutar granica Bosne i Hercegovine. Dakle, naredni prevoz roba vozač može obavljati samo u međunarodnom transportu. Donošenjem ovakvih mjer privredni subjekti su bili izloženi velikim problemima posebno u periodu pandemije i u nedostatku vozača.

Izmjenu Naredbe možete preuzeti [OVDJE](#).

UPFBiH uputilo zahtjev za otvaranje GP Izačić i olakšavanje međunarodnog transporta roba

Udruženje poslodavaca FBiH je uputilo Vijeću ministara BiH, Ministarstvu vanjskih poslova BiH, Ministarstvu sigurnosti BiH i Koordinacionom tijelu Bosne i Hercegovine za zaštitu i spašavanje zahtjev za hitnu intervenciju za olakšavanje međunarodnog transporta roba i otvaranje graničnog prelaza Izačić.



U zahtjevu se navodi da je izražen problem u međunarodnom transportu zbog mjera koje poduzima Republika Hrvatska. Naime, Odlukom Kriznog štaba Republike Hrvatske za međunarodni tranzitni prijevoz roba preko Republike Hrvatske, određena su tri

međunarodna granična prijelaza između dviju zemalja te je ova mjera uveliko otežala međunarodni transport roba a privrednici/prijevoznici u međunarodnom cestovnom prijevozu iz BiH su suočeni sa velikim zastojima i čekanjima u prometu. Na GP Bosanska Gradiška su kilometarske kolone, vozači iz BiH prisiljeni su na izrazito duga čekanja koja traju po dva do tri dana na formiranje konvoja čije kretanje također traje predugo.

Napominje se da ovakve mjere i zatvaranje graničnih prelaza dovode do:

- ◊ Povećanja cijene transporta roba za 50%, jer vozači otkazuju prevoze i ne žele da voze robe;

- ◊ Smanjenja prodaje roba na tržištu EU i otkazivanje već potpisanih ugovora zbog toga što je rok isporuke produžen sa tri do četiri dana na deset do 15 dana.
- ◊ Masovnih otkazivanja narudžbi jer zbog produženja roka isporuke kupci nisu u mogućnosti zbog prirode posla i specifičnost proizvoda duže čekati;
- ◊ Kupci odustaju od narudžbi budući da imaju konkurentne firme npr. u Sloveniji, Hrvatskoj i drugim EU zemljama gdje je rok isporuke puno kraći.
- ◊ Kompanije gube tržište u zemljama EU iako imaju mogućnost da opstanu budući da još uvijek postoji potražnja za određenim robama.

Kompanije koje se trenutno susreću sa ovim problemima su kompanije koje još uvijek posluju i koje su uprkos brojnim problemima zadržali sva radna mjesta te se bore opstati na tržištu EU.

U zahtjevu se traži da u cilju očuvanja bh. privrede, očuvanja radnih mesta i sprječavanja masovnog otpuštanja radnika nadležne institucije HITNO poduzmu sve aktivnosti kako bi omogućilo da se tranzit teretnih motornih vozila kroz Republiku Hrvatsku odvija bez formiranja konvoja, te da se obavezno omogući otvaranje graničnog prelaza Izačić za tranzit motornih vozila.

Ukoliko se HITNO ne poduzmu aktivnosti u cilju rješavanja nevedenih problema i otvaranja dodatnih graničnih prelaza za transport roba, mnoge kompanije će izgubiti tržište u EU te će biti prisiljene otpustiti radnike, a što će za posljedicu imati i gašenje mnogih kompanija.

U zahtjevu se također traži da domaće institucije apelujete na institucije i organe Republike Hrvatske da ne izlažu vozače ovako okrutnim uslovima uslijed čega su mnogi prevoznici prinuđeni da prestanu obavljati prevoz.

Hrvatski Nacionalni štab ukinuo policijsku pravnju za kamione koji dolaze u BiH

Udruženje poslodavaca FBiH uputilo je 14. aprila Ministarstvu sigurnosti BiH, Ministarstvu vanjskih poslova BiH i Koordinacionom tijelu Bosne i Hercegovine za zaštitu i spašavanje zahtjev za hitnu intervenciju za olakšavanje međunarodnog transpora roba i otvaranje Graničnog prelaza Izačić.

U zahtjevu se tražilo da se hitno poduzmu aktivnosti kako bi se omogućilo da se tranzit teretnih motornih vozila kroz Republiku Hrvatsku odvija bez formiranja konvoja, te da se obavezno omogući otvaranje graničnog prelaza Izačić za tranzit motornih vozila.




Ministar sigurnosti BiH Fahrudin Radončić objavio je da je Hrvatski nacionalni stožer civilne zaštite donio je odluku da od 19.4.2020. godine od 18:00 sati više neće biti pravnje za kamione koji dolaze u Bosnu i Hercegovinu, čime će se znatno smanjiti zadržavanja na graničnim prijelazima, a što je saopćeno i iz Granične policije BiH.

Republika Hrvatska je na ulazu u tu zemlju, iz smjera Slovenije, formirala teretna vozila u kolonu, koju su potom pratili prema graničnim prijelazima MGP Gradiška, MGP Bijača i MGP Šamac, radi čega su se stvarale gužve i dugosatna zadržavanja. Donošenjem pomenute odluke ovo prestaju i bh. kamioni više neće morati po više sati čekati formiranje kolona, već će moći odmah ići.

Na inicijativu UPFBiH Vlada FBiH donijela Odluku kojom utvrđuje postojanje uslova za propisivanje mjera neposredne kontrole cijena na području FBiH

Na inicijativu i uz velike napore Udruženja poslodavaca FBiH, Vlada Federacije BiH je na današnjoj sjednici u Sarajevu, donijela Odluku kojom utvrđuje postojanje uslova za propisivanje mjera neposredne kontrole cijena na području Federacije BiH.



Naime, krajem marta je Udruženje poslodavaca FBiH uputilo Ministarstvu trgovine FBiH i Koordinacijom odboru za stabilizaciju privrede i saniranje posljedica pandemije koronavirusu inicijativu za izmjenu

Odluke o mjerama neposredne kontrole cijena od 16.03.2020 godine u kojoj se traži da se hitno poduzmu sve aktivnosti za izmjenu Odluke, a kako je predloženo od strane Udruženja, odnosno da se odluka izmjeni u smislu zamrzavanje cijena uz obavezno definisanje "osim u slučaju povećanja cijena sa strane proizvođača, dobavljača ili uvoznik" ili alternativno, da se ograniči marža u prometu roba na dan 05.03.2020. godine, što je upravo Vlada FBiH i uradila.

Kao mjeru neposredne kontrole cijena, Vlada je propisala za pojedine proizvode utvrđivanje marži u trgovini (kalkulativne cijene). Mjere neposredne kontrole odnose

se na proizvode u nadležnosti FBiH, kantona, gradova i općina propisane odredbama Zakona o kontroli cijena, kao i na ostale životne namirnice, osnovne higijenske i druge proizvode koje prodaju svi učesnici u lancu snabdijevanja, odnosno privredna društva i druge pravne i fizičke osobe koje proizvode i obavljaju trgovinu na veliko i trgovinu na malo.

Pravne i fizičke osobe obavezne su utvrditi i primjenjivati marže tako da one ne prelaze nivo marži tih proizvoda na dan 5.3.2020. godine.

Ovo se odnosi na sve vrste brašna, sve vrste hljeba, peciva i druge pekarske proizvode od brašna i žitarica, aktivni kvasac, mlijeko i mlječne prerađevine, jaja i proizvode od jaja, šećer, čaj, začine, so za ljudsku ishranu, rižu, tjesteninu, biljne i životinjske masnoće, sve vrste svježeg mesa, ribe i njihove prerađevine, voće i povrće, sirče, mesne konzerve, riblje konzerve, vodu za piće, jestivo ulje, formule za dojenčad i formule nakon dojenja, prerađenu hrana na bazi žitarica i dječiju hrana za dojenčad i malu djecu, dodatke ishrani, dijetetske proizvode (uključujući proizvode bez glutena), hranu za posebne medicinske potrebe, pelene za jednokratnu upotrebu za djecu i odrasle, higijenske uloške, deterdžente za veš i suđe.

Također i na sapun, sredstva za dezinfekciju vode, prostora i ruku (uključujući koncentrirani alkohol), toaletni papir, pastu za zube, zaštitne kombinezone i drugu zaštitnu i medicinsku odjeću i obuću, zaštitne naočale i vizire, zaštitne rukavice i zaštitne navlake za cipele, zaštitne maske - hirurške, zaštitne maske za lice FFP2 i FFP3, posteljno i ostalo rublje za zdravstveni sistem, sve vrste sjemenskog i sadnog materijala, sredstva za zaštitu zdravlja biljaka, stočnu hrana i komponente za stočnu hranu, te na vještačko đubrivo.

UPFBiH rezultati istraživanja o stanju u kompanijama uslijed pandmije Covida-19



Udruženje poslodavaca Federacije Bosne i Hercegovine je napravilo istraživanje s ciljem sagledavanja realnog stanja u privredi uslijed pandemije Covida-19.

Istraživanje se bazira na uticaj Covida-19 na bh. ekonomiju, odnosno na stanje pada prihoda, zaposlenosti, likvidnosti, snabdjevenost repromaterijalima, prodaje gotovih proizvoda i drugo.

Rezultate istraživanja možete pogledati [OVDJE](#).

UPFBiH podržava hitne mjere koje je usvojilo ESV ZDK, a kojima će Vlada ZDK refundirati dio plaće za mart i cijelu plaću za april usposlenicima kompanija kojima je zabranjen rad

Udruženje poslodavaca Federacije Bosne i Hercegovine pozdravlja spremnost Vlade Zeničko-dobojskog kantona da prihvati i relaizira neke od hitnih mjeru koje je predložilo UPFBiH s ciljem pomoći privrednim subjektima da lakše prevaziđu krizu izazvanu pandemijom koronavirusa.



Na sjednici Ekonomsko-socijalno vijeće Zeničko-dobojskog kantona podržalo je realizaciju mjeru predloženih od strane Ministarstva za privredu ZDK, koje je tražilo UPFBiH. Prva mjeru koja će hitno biti realizirana je isplata plaća za uposlenike privrednih subjekata kojima je zabranjen

rad naredbom Federalnog štaba civilne zaštite na način da se plaće za mart finansiraju u iznosu od 50 posto, a za april 100 posto. Druga usvojena hitna mjeru je usmjerena na očuvanje likvidnosti preduzeća na način da se formira fond koji će isto omogućiti, a da Ministarstvo privrede vodi računa kroz program utroška sredstava da kreditno garancijski fond koji već imama ZDK, kao i fond koji će se formirati omogući

sufinansiranje iznosa kamate za povučena sredstva, što će omogućiti privrednicima da povlače sredstva bez kamate i sa grejs periodom.

Također, ESV ZDK je zatražilo da Zavod zdravstvenog osiguranja ZDK preispita Pravilnik o refundaciji naknade plaće za vrijeme privremene spriječenosti za rad na teret sredstava Zavoda zdravstvenog osiguranja ZDK od 23.03.2020. godine i da isti povuče za vrijeme važenja stanja prirodne nesreće izazvane koronavirusom, a da prilikom izrade novog Pravilnika konsultuje i reprezentativno Udruženje poslodavaca FBiH.

Iz UPFBiH još jednom naglašavaju važnost socijalnog dijaloga, u kojemu su sve strane opredjeljene da zajednički, kroz dijalog dođu do kvalitetnih i adekvatnih rješenja kojima će biti zadovoljne svi učesnici socijalnog dijaloga. Vlada ZDK je prihvatanjem hitnih mjera predloženim od strane poslodavaca, pokazala istinsku opredjeljenost za rad u interesu čuvanja radnih mesta i pomoći privredi da lakše prebrode posljedice pandemije izazvane koronavirusom.

UPFBiH istraživanje o izazovima kompanija usred aktuelnog kriznog stanja

Udruženje poslodavaca Federacije Bosne i Hercegovine, uz tehničku podršku Međunarodne organizacije rada (ILO) i u partnerstvu s Europskom bankom za obnovu i razvoj (EBRD), provodi istraživanje preduzeća kako bi razumjeli situaciju i izazove uslijed trenutne krize uzrokovane COVID-19. Odgovore iz ankete koristit će se u razgovorima sa vlastima, bankama i ostalim interesnim skupinama.

Anketi možete pristupiti na [OVDJE](#).

UPFBiH naglašava da je u potpunosti operativno tokom pandemije, te da nastavlja pružati usluge članstvu.

Promotivni film – Vodič za samozastupanje za mikro, mala i srednja preduzeća u FBiH



Udruženje poslodavaca FBiH i Asocijacija za demokratske inicijative izradile su Vodič za samozastupanje za mikro, mala i srednja preduzeća. Svrha Vodiča je da pomogne mikro, malim i srednjim preduzećima u FBiH da bolje razumiju sudske procese i steknu osnovna znanja neophodna kako bi se samozastupali na sudu.

Vodič je izrađen u okviru projekta „Unapređenje pristupa privrednim sudovima u BiH“, a koji se implementira uz podršku Svjetske banke i finansiran je od strane Vlade Velike Britanije putem sredstava UK Aid. Cilj Projekta je podržati pravosudne institucije u implementaciji reformi kojima se poboljšava efikasnost i pristup privrednom pravosuđu u BiH, nadovezujući se na preporuke Studije izvodljivosti o unapređenju upravljanja privrednim predmetima u Federaciji Bosne i Hercegovine iz 2016. godine.

U sklopu projekta izrađen je i promotivni film, koji možete pogledati na web stranici Udruženja ([LINK](#)). Elektronsku verziju Vodiča za samozastupanje za mikro, mala i srednja preduzeća u Federaciji Bosne i Hercegovine možete preuzeti [OVDJE](#).

Održan sastanak Radne grupe za podršku privredi USK



U zgradi Vlade Unsko-sanskog kantona u Bihaću 09. aprila 2020. godine održan je sastanak Radne grupe za podršku privredi kojem su prisustvovali ministar privrede USKa Nijaz Kadirić, predstavnik Grupacije poslodavaca USK pri UPFBiH Edin Ibrahimpašić, predsjednik Privredne komore USK Enes Ružnić, ministar finansija USK Vedran Prša, direktor Službe za zapošljavanje USK Elmedin Đuzel, skupštinski zastupnici i drugi.

Sastanak je održan s ciljem iznalaženja najboljih rješenja za spas privrede ovog kantona i radnih mjesta.

Predstavnik Grupacije poslodavaca USK pri UPFBiH Edin Ibrahimpašić istakao je da je na sastanku postignut visok stepen razumijevanja, te da su poslodavci predložili dvije interventne mjere.

"Prva mjera, odnosno prijedlog je da se interventno reagira na plaće i doprinose za mart, odnosno, da se onima koji su zbog mjere Kriznog štaba o zabrani rada zatvorili svoje djelatnosti Vlada USK obezbijedi minimalnu plaću i pripadajuće doprinose, a druga mjera bi bila da se onim privrednim subjektima koji su imali prihode manje za 20 posto za mart ove godine u odnosu na mart prošle godine obezbijede doprinosi na minimalne plaće za radnike" ističe Ibrahimpašić.

Ibrahimpašić dodaje da su za realizaciju ovih mjeri potrebni podaci Porezne uprave te da će se odluka finalizirati po dostavljanju istih, što je potvrdio i ministar privrede USK Nijaz Kadrić.

"Prijedlog Ministarstva privrede USK, govoreći o početnim sredstvima koje imamo na raspolaganju a to je oko 2,5 miliona, da za mjesec april, i čak maj, idemo sa minimalnim ličnim dohotkom od 450 KM onim privrednim subjektima koji imaju zabranu rada. Grupacija poslodavaca je tražila da se pokrije i mart mjesec onim preduzećima koja su imala 20 posto manju poslovnu aktivnost u odnosu na mart 2019., ali ćemo tu mogućnost razmotriti tek kad dobijemo podatke Porezne uprave. Pozivam one poslodavce kojima je zabranjeno obavljanje djelatnosti da ne otpuštaju radnike, jer će Vlada pokriti minimalni lični dohodak od 450KM. Kada su u pitanju kompanije kojima je smanjen obim privredne djelatnosti, predložit ćemo Vladi rebalans budžeta. Ove mjeri ćemo predočiti Vladi i učiniti ćemo maksimalno da pomognemo privredi", istakao je Kadrić.

Interventne mjere Grada Bihaća za ublažavanje ekonomskih posljedica



Prvi sastanak Tima za izradu prijedloga ekonomskih mjera za ublažavanje negativnih uticaja na lokalnu ekonomiju Grada Bihaća izazvanih pandemijom Covida-19 održan je 15. aprila 2020. godine u Gradskoj vijećnici s ciljem sagledavanja direktnih i indirektnih posljedica koronavirusa na privredu te utvrđivanja smjernica koje će Gradska uprava koristiti prilikom kreiranja interventnog programa podrške privrednicima u Gradu Bihaću.

Sastanku su prisustvovali predstavnici Grupacije poslodavaca USK pri UPFBiH, Privredne komore USK, Obrtničke komore te predstavnici Gradske uprave, Gradskog vijeća, civilne zaštite i razvojne agencije. Na sastanku je zaključeno da će Grad Bihać osloboditi od plaćanja svih parafiskalnih nameta, zakupa, javnih površina i komunalnih taksi one privredne subjekte kojima je zbog naredbe Kriznog štaba zabranjen rad, te da će se formirati fond iz kojeg će se finansirati najugorženije djelatnosti. Istaknuto je da je potrebno napraviti kriterije te u saradnji sa višim nivoima vlasti dogovoriti dalje korake za dodjelu poticaja.

Grupacija poslodavaca USK pri UPFBiH uputila Gradskom vijeću i gradonačelniku set mjera za stabilizaciju privrede

Većina kompanija u BiH suočilo se sa brojnim problemima i otežanim uslovima poslovanja izazvanim uslijed pandemije Covida-19. Zabranu rada, smanjena potražnja roba, nedostatak repromaterijala, prekidi u lancima dostave, probelmi sa međunarodnim transportom roba zbog kojeg je došlo do smanjenog izvoza i uvoza, blokada inostranih uplata i mnogi drugi problemi su svakako doveli do nelikvidnosti firmi.

Poslovanje kompanija u proteklom periodu se odvijalo u izuzetno otežanim uslovima te je kod većine poslovnih subjekata došlo do velikih gubitaka u poslovanju i nemogućnosti naplate potraživanja.

Grupacija poslodavaca Unsko sanskog kantona pri Udruženju poslodavaca FBiH je, u cilju očuvanja radnih mjeseta i ublažavanja negativnih posljedica na privredu, uputilo Gradskom vijeću Bihać i gradonačelniku Bihaća set mjera za stabilizaciju privrede:

1. Uputiti zahtjev bankama kod kojih je Grad Bihać trenutno kreditno zadužen za uvođenje moratorijuma na otplatu kredita na šest mjeseci
2. Da Grad Bihać podmiri sve svoje dospjele obaveze, jer bi se s tim povećala potrošnja ali i opća likvidnost
3. Da se građevinske dozvole i sve ostale dozvole i saglasnosti koje izdaje Grad Bihać za pravna lica i obrte rješavaju po posebnoj hitnoj proceduri u najkraćem mogućem roku, sa odgodom plaćanja obaveza za izdavanje do isteka vremena trajanja vanrednih mjera i 60 dana nakon toga

4. Da se rabalansom budžeta osigura deset posto budžetskih sredstava za ublažavanja negativnih posljedica na privredu uzrokovane uvođenjem vanrednih mjera
5. Oslobađanje obaveze plaćanja komunalne naknade na poslovne prostore za vrijeme trajanja prirodne nesreće/vanrednog stanja i 60 dana nakon toga
6. Oslobađanje obaveze plaćanja svih zakupnina prema Gradu Bihać za vrijeme trajanja prirodne nesreće/vanrednog stanja i 60 dana nakon toga za privrednike/obrtnike koji ne rade zbog poštivanja mjera zabrane uslijed prirodne nesreće/vanrednog stanja
7. Obustava svih izvršnih postupaka prisilne naplate za vrijeme trajanja prirodne nesreće/vanrednog stanja i 60 dana nakon toga, bilo da su pokrenuti od strane Grada Bihać ili javnih preduzeća i ustanova kojima je Grad Bihać osnivač
8. Ukipanje svih taksi/parafiskalnih nameta koji su u ingerenciji Grada Bihaća, u vremenu trajanja vanrednih mjera i 60 dana nakon toga
9. Oslobađanje obaveze plaćanja komunalne takse za isticanje firme i reklamu u vremenu trajanja vanrednih mjera i 60 dana nakon toga
10. Oslobađanje obaveze plaćanja naknade za zauzimanje javnih površina u vremenu trajanja vanrednih mjera i 60 dana nakon toga
11. Oslobađanje obaveze plaćanja računa komunalnih usluga za vrijeme trajanja prirodne nesreće/vanrednog stanja i 60 dana nakon toga za privrednike/obrtnike koji ne rade zbog poštivanja mjera zabrane uslijed prirodne nesreće/vanrednog stanja

UPKS zahtjeva da Javni poziv za dodjelu budžetskih sredstava za isplatu dijela martovske plate obuhvati i djelatnost turizma, hotelijerstva i ugostiteljstva

Udruženje poslodavaca Kantona Sarajevo uputilo je zahtjev premijeru Vlade KS i Ministarstvu privrede KS za uvrštanje dodatnih djelatnosti kojima će biti omogućena pomoć po osnovu Javnog poziva za dodjelu budžetskih sredstava za isplatu dijela martovske plate.

Kako se navodi u dopisu, Udruženje poslodavaca KS je putem medija i dopisa koji im je dostavljen od strane UTA-e obavješteno da su iz paketa mjera za pomoć privrednim subjektima pogodjenim korona virusom na području Kantona Sarajevo u martu mjesecu



izostavljena djelatnost turizma, hotelijerstva i ugostiteljstva, te da ovaj propust neophodno hitno ispraviti na način da se pomenute djelatnosti, a koje su najugroženiji segmenti privre, uvrste u program mjera pomoći u cilju zadržavanja radnih mesta.

Udruženje poslodavaca KS također napominje da je na tematskoj sjednici Vlade KS, koja je održana 17. marat 2020. godine, pored ostalog zaključeno da je neophodno iznaći mogućnost da se ovim djelatnostima pomogne u prevazilaženju problema sa kojima su se, među prvima, susreli.

Predstavnici UPKS imenovani u Koordinacijsko tijelo za predlaganje mjera za zaštitu i oporavak privrede i poboljšanje položaja uposlenika i privrednika pogodjenih krizom izazvanom pandemijom koronavirusa

Predsjednik i članovi Upravnog odbora Udruženja poslodavaca KS, tačnije Safudin Čengić (oblast transporta i komunikacija), Enver Malagić (oblast hotelijerstvo, ugostiteljstvo, turizam), Nijaz imenovani (oblast trgovine) i Suad Ećo (oblast industrije) imenovani su u Koordinacijsko tijelo za predlaganje mjera za zaštitu i oporavak privrede i poboljšanje položaja uposlenika i privrednika pogodjenih krizom izazvanom pandemijom koronavirusa.


Tijelom predsjedava premjer KS Mario Nenadić, a čine ga još ministar privrede Kantona Sarajevo Draško Jeličić, ministar finansija Kantona Sarajevo Jasmin Halabić, ministrica za rad, socijalnu politiku, raseljena lica i izbjeglice Kantona Sarajevo Jasna Agić, predsjednica Komisije za privredu Skupštine Kantona Sarajevo Admela Hodžić i direktor Ekonomskog instituta Muamer Halilbašić.



Zadaci Koordinacionog tijela su da priprema prijedloge Vladi Kantona Sarajevo za koordiniranje i donošenje odgovarajućih preporuka, zaključaka i odluka na provođenju mjera za sanaciju posljedica koronavirusa u oblasti privrede, da prati, predlaže i usaglašava donošenje mjera sa nadležnim institucijama u Federaciji BiH i institucijama BiH, kao i donošenje detaljnih fiskalnih procjena u cilju saniranja posljedica izazvanih pojavom pandemije koronavirusa.

Održan sastanak predstanika Vlade SBK i drvoprerađivačkog sektora

U Vladi Srednjobosanskog kantona 22. aprila održan je sastanak sa privrednim subjektima iz drvoprerađivačke industrije kojem su prisustvovali premijer SBK Tahir Lendo, ministar Ministarstva privrede Nisvet Hrnjić, predsjednik Grupacije poslodavaca SBK pri UPFBiH Kemal Čolak, te predstavnici privrednih subjekata Promo d.o.o., Malak-Janj d.o.o., Tamex d.o.o., Rose-Wood d.o.o., MS&Wood d.o.o., Palavra d.o.o. i Delić d.o.o. Cilj sastanka bila je razmjena informacija o uticaju pandemije Covida-19 na privrednu granu odnosno prerađivače i proizvođače drvne mase i proizvoda od drveta.



Privredni subjekti su istakli probleme sa kojima se trenutno susreću, ali i moguća rješenja koja bi pomogla očuvanju stabilnosti ove industrijske grane.

Poslodavci su istaki problem smanjenje obima proizvodnje, stopiranih ugovora, nemogućnost plasmana proizvoda, probleme koji se javljaju prilikom transporta i potpisivanja novih ugovora sa ino partnerima, te naglasili da očekuju konkretnu pomoć a koja je najavljena od strane Vlade Federacije Bosne i Hercegovine i pomoć koja je u okviru nadležnosti Vlade Srednjobosanskog kantona.

Predstavnici Vlade Srednjobosanskog kantona predstavili su set interventnih mjera Vlade Srednjobosanskog kantona za oblast privrede u okolnostima pandemije COVID-19 u vidu sufinansiranja neto plaća, oslobođanje od parafisikalnih nameta, upućivanje preporuka općinama, a koje će olakšati probleme sa kojima se susreću privredni subjekti.

Nova članica UPFBiH - Makama d.o.o.



Makama d.o.o. je osnovana 1996. godine u Bugojnu, a na tržištu obuće egzistira od 2012. godine. Firmu je osnovala Behrija Huseinbegović, a tada je upošljavala samo jednog uposlenika, no danas je jedna

od vodećih kompanija na bh. tržištu. Firma je podjeljena u četiri poslovne jedinice, od kojih su dvije odjel knjigovodstvenog servisa u Travniku i Bugojnu, ispostava špedicije u Travniku i proizvodnja i prerada kožne obuće. Ukupno upošljava oko 140 radnika.

Nova članica UPFBiH - Olip Bosna d.o.o.

Olip Bosna d.o.o. kompanija je za proizvodnju obuće i kožne galanterije, koje se svrstava među najvećih pet izvoznika u realnom sektoru u Bosni i Hercegovini. Zapošljava oko 1.300 radnika.



Olip Bosna d.o.o. je dobitnik nagrade koju dodjeljuje FIPA-a kao kompanija koja je zaposlila najveći broj radnika u martu 2008. godine, a i prva je kompanija u Bosni i Hercegovini koja je postala vlasnik certifikata SA 8000 – Društveno odgovorna kompanija.



UDRUŽENJE POSLODAVACA

UDRUŽENJE POSLODAVACA FBiH

MULA MUSTAFE BAŠESKIJE 12/3, 71 000 SARAJEVO

TEL: 00 387 264 830

FAX: 00 387 33 552 461

MAIL: info@upfbih.ba

WEB: www.upfbih.ba